

444.

Na osnovu člana 14. stav 1. Zakona o kantonalnim i drugim tijelima kantonalne uprave („Službene novine Zeničko-dobojskog kantona“, broj: 15/04 i 06/07), a u vezi sa članom 15. stav 2. Zakona o muzejskoj djelatnosti („Službene novine Zeničko-dobojskog kantona“, broj: 15/03), ministrica Ministarstva za obrazovanje, nauku, kulturu i sport, donosi:

P R A V I L N I K O USLOVIMA ZA OSNIVANJE I RAD MUZEJA

I – OSNOVNE ODREDBE

Član 1.

Ovim pravilnikom uređuju se uslovi za osnivanje i rad muzeja u pogledu sredstava za osnivanje i početak rada, osnovnog fonda muzejskog materijala, prostorija, opreme i stručnog kadra muzeja.

Osnovni fond muzejskog materijala

Član 2.

Osnivač muzeja obezbjeđuje osnovni fond muzejskog materijala onog značaja i obima koji omogućava proučavanje i prezentaciju kulturno-historijske baštine i razvoj područja na kojem muzej obavlja svoju djelatnost.

Muzej može otpočeti s radom ako:

- struktura početnog fonda muzejskog materijala po svom sastavu odgovara muzejskoj oblasti kojom se muzej bavi;
- muzejski materijal bude stručno obrađen, upisan u knjigu inventara, smješten u police po odgovarajućem sistemu i iskazan u katalozima muzeja;
- ispunjava druge uslove propisane ovim pravilnikom.

Prostorije muzeja

Član 3.

Prostorije koje muzej mora imati čini:

- prostor za smještaj, izlaganje i čuvanje stalne postavke i povremenih izložbi;
- najmanje po jedan depo za sistematske zbirke;
- radionica za održavanje, restauraciju, prepariranje i konzerviranje muzejskog materijala;
- muzejska biblioteka;
- prostor za održavanje predavanja grupama posjetilaca;

- prostor za smještaj uprave muzeja, stručnih radnika i drugih zaposlenika;
- prostor sa potrebnim sanitarnim uređajima odvojeno za posjetioce i službeno osoblje u skladu sa posebnim propisima.

U prostorijama iz alineja 1., 2. i 3. prethodnog stava, treba da je obezbijeđena odgovarajuća temperatura i suhoća zraka, odgovarajuće osvjjetljenje, kao i zaštita od elementarnih nepogoda, a sve u skladu sa posebnim propisima, pravilima i standardima koji regulišu ovu oblast.

Oprema muzeja

Član 4.

Oprema muzeja treba da odgovara namjeni muzejskih prostorija i oblasti kojom se muzej bavi.

Muzej treba da ima opremu za:

- čuvanje muzejskog materijala od oštećenja, uništenja i krađe;
- provođenje mjera zaštite muzejskog materijala u svim uslovima čuvanja (mirnodopski, vanredni, ratni).
- održavanje, restauriranje, prepariranje i konzerviranje muzejskog materijala;
- tehničke uređaje i druga sredstva za savremeno istraživanje, obradu i korištenje muzejskog materijala u skladu sa profesionalnim standardima i pravilima struke.
- drugu opremu potrebnu za obavljanje osnovne djelatnosti muzeja.

Stručni kadar

Član 5.

Muzej treba da ima odgovarajući broj stručnih radnika sa položenim stručnim ispitom za muzejsku djelatnost zavisno od oblasti muzejske djelatnosti kojoj pripada muzejski materijal.

Muzej treba da ima:

- kustosa za svaku oblast muzejske djelatnosti;
- muzejskog bibliotekara;
- preparatora;
- konzervatora;
- muzejskog pedagoga.

U nedostatku materijalnih sredstava i raspoloživih

kadrova, više muzeja može zajednički da obezbijedi pojedine stručne kadrove iz prethodnog stava.

Član 6.

Sredstva za osnivanje i rad muzeja padaju na teret osnivača, a trebaju da svojim obimom budu dovoljna da se vjerno predstave teme, periodi, događaji, institucije ili ličnosti u odnosnim muzejskim oblastima na koje se muzejski materijal odnosi.

Član 7.

Osnivači muzeja obavezni su podnijeti dokumentovan zahtjev Ministarstvu za obrazovanje, nauku, kulturu i sport Zeničko-dobojskog kantona (u daljem tekstu Ministarstvo) u cilju dokazivanja da ispunjavaju uslove propisane ovim pravilnikom za bavljenje muzejskom djelatnošću.

Ministarstvo će formirati Komisiju za procijenu uslova za bavljenje muzejskom djelatnošću, a koja će u roku od trideset (30) dana Ministarstvu dostaviti izvještaj.

Član 8.

Muzej može početi da obavlja svoju djelatnost kada Ministarstvo rješenjem utvrdi da su ispunjeni uslovi propisani ovim pravilnikom.

II – PRELAZNE I ZAVRŠNE ODREDBE

Član 9.

Stupanjem na snagu ovog pravilnika na području Zeničko-dobojskog kantona prestaje sa primjenom Pravilnik o uslovima za osnivanje i početak obavljanja djelatnosti muzeja i galerija („Službeni list RBiH“, broj 20/94).

Član 10.

Ovaj pravilnik stupa na snagu danom donošenja i objavit će se u „Službenim novinama Zeničko-dobojskog kantona“.

MINISTRICA

Broj: 10-02-27213/07

Zenica; 21.11.2007. godine

Zdenka Merdžan, s.r.

445.

U skladu sa članom 14. stav 1. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 15/04. i 06/07.), a na osnovu člana 50. stav 2. Pravilnika o osposobljavanju za vozača motornih vozila „Službeni

glasnik Bosne i Hercegovine“ br.15/07., 20/07. i 41/07.), ministrica Ministarstva za obrazovanje, nauku, kulturu i sport Zeničko-dobojskog kantona, donosi:

RJEŠENJE

o određivanju prijavnih mjesta za polaganje ispita za vozače motornih vozila

Član 1.

Za prijavljivanje ispita za polaganje ispita za vozače motornih vozila na području Zeničko-dobojskog kantona određuju se:

- **općina Zenica** – Odsjek za poslove saobraćajne edukacije Ministarstva za obrazovanje, nauku, kulturu i sport ZDK, Metalurški institut „Kemal Kapetanović“, ulica Travnička br. 6.
- **općina Visoko** – Mješovita srednja škola „Hazim Šabanović“ u Visokom, Branilaca br. 24. upisana u Registar srednjih škola i domova učenika pod rednim brojem 86/III. na strani 171. i 172.
- **općina Zavidovići** – Srednja tehnička škola u Zavidovićima, Mehmed-paše Sokolovića bb. upisana u Registar srednjih škola i domova učenika pod rednim brojem 90/III. na strani 179. i 180.
- **općina Maglaj** – Osnovna škola „Maglaj“ u Maglaju, ul. Aleja Ljiljana br. 2., upisana u Registar osnovnih škola pod rednim brojem 74., na strani 151. i 152.
- **općina Breza** – Mješovita srednja škola „Mehmedalija Mak Dizdar“ u Brezi, Šehidska br. 34. upisana u Registar srednjih škola i domova učenika pod rednim brojem 75/II. na strani 149. i 150.
- **općina Tešanj** – Osnovna škola „Rešad Kadić“ u Tešnju, Krndije bb. upisana u Registar škola pod rednim brojem 73. na strani 149. i 150.
- **općina Doboju-Jug** – Osnovna škola „21 mart“, Matuzići bb. upisana u Registar osnovnih škola pod rednim brojem 69. na strani 139. i 140.
- **općina Kakanj** – Srednja tehnička škola „Kemal Kapetanović“ u Kakanju, ulica Šehida br. 3., upisana u Registar srednjih škola i domova učenika pod rednim brojem 80/III. na strani 159. i 160.
- **općina Usora** – Osnovna škola „Ivan – fra Frane Jukić“ ul. Sivša bb. upisana u Registar osnovnih škola pod rednim brojem 57. na strani 113. i 114.
- **općina Žepče** – Srednja mješovita škola „Žepče“ u Žepču ul. Zagrebačka br. 2. upisana u Registar srednjih škola i domova učenika pod rednim brojem 81/II. na strani 161. i 162.
- **općina Vareš** – Osnovna škola „Vareš“ u Varešu, ul. Đure Đakovića bb. upisana u Registar osnovnih škola pod rednim brojem 49. na strani 97. i 98.
- **općina Olovo** – Mješovita srednja škola „Musa Ćazim